



ՎՐԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԳՐԱԴԱՐԱՆԻ ԴԱՏԱՎՈՐՈՒԹՅԱՆ ԴԵՊԱՐՏԱՄԵՆՏ

Իր խոսքում, Իրակլի Ղարիբաշվիլին ներկաներին հիշեցրեց այն իրականացված նախագծերի մասին, որոնք տարածաշրջանում կատարվել են վերջին երկու տարիների ընթացքում:

Ղրանք են՝ Վրաստանի բոլոր քաղաքացիները ապահովագրվել են համընդհանուր առողջապահության նախագծով, ավարտվել է 82 նոր ամբուլատորիաների շինարարությունը, 150 լարիով ավելացվել է 650 լարիի է հասցվել գյուղական բժշկների աշխատավարձը, մեկնարկվել է «C» հեպատիտի դեմ պայքարի նախագիծը, բոլոր հիվանդների համար բուժումը կդառնա մատչելի, նվազագույն կենսաթոշակը դարձել է 150 լարի, կրկնապատկվել է սոցիալապես անապաշտպան բնակիչների ու բռնազաղթվածների նպաստը: Աշակերտներն անվճար ստացել են 1016700 կոմպլեկտ դասագրքեր, բարձրագույն կրթությունը 21 մասնագիտությունների ուղղությամբ դարձել է անվճար, լրիվությամբ ֆինանսավորվում է մասնագիտական ուսումնարանների 12 հազար ուսանողների ուսման վարձը, կառուցվել են 20 նոր ու վերանորոգվել 1000 դպրոցներ: Վեց տարածաշրջաններում յուրաքանչյուր երրորդ եւ հաջորդ զավակների համար տրվում է ամենամսյա օգնություն, լեռնային տարածքներում՝ 200, իսկ հարթավայրերում՝ 150 լարի: «Էլեկտրական հոսանք՝ բոլոր գյուղերին» պետական նախագծի շրջանակներում 2013 թվականից մինչ օրս էլեկտրիֆիկացվել է 22 գյուղ, 2013 թվականից մինչ օրս շահագործման է հանձնվել 8 հիդրոէլեկտրակայան, դրանց վրա ընդհանուր ներդրումը կազմել է 251 միլիոն ԱՄՆ դոլար: 13 տոկոսով ավելացվել է Վրաստանից ապրանքների արտահանումը: Եվրամիության շուկա արտահանվող վրացական ապրանքի ծավալը ավելացվել է 32 տոկոսով, իսկ Ռուսաստան՝ 153 տոկոսով: 2012, 2013, 2014 թվականներին, ընդհանուր առմամբ, Վրաստանի էկոնոմիկայում կատարվել է 3 միլիարդ 125 միլիոն ԱՄՆ դոլարի ներդրում: «Արտադրի՝ր Վրաստանում» նախագծի շրջանակներում, Վրաստանի մասշտաբով արդեն ընդգրկված են 64 ընկերություններ, իսկ նախագծի ընդհանուր գումարը կազմում է 112 միլիոն ԱՄՆ դոլար: 2015 թվականի համար այդ նախագծով գործող արտադրություններում կաշխատի 4500 մարդ: Կառուցվել են 54 կիլոմետր ընդհանուր երկարությամբ ճանապարհներ, 19 նոր կամուրջներ, վերանորոգման աշխատանքներ են իրականացվել 554 կիլոմետր ճանապարհների եւ 87 կամրջի վրա, վերանորոգվել է 573 հիդրոտեխնիկական կառույց, մաքրման աշխատանքներ են իրականացվել 3 հազար կիլոմետր ոռոգման ջրանցքներում: Երկրի 35 մունիցիպալիտետներում ջրամատակարարման բարելավման նպատակով իրականացվել են 53 նախագծեր: Սակավահող ֆերմերների գարնանային նախագծի շրջանակներում գյուղացիներին անվճար տրվել է 107605506 լարիի պարարտանյութ, 47853368 լարիի թունաքիմիկատներ, 8579187 լարիի սերմնանյութ, 53704193 լարիի գյուղատնտեսական գործիքներ, 232486 լարիի սարքավորումներ: Այդ ամենի արդյունքում, ընդհանուր առմամբ, հերքվել է 427765 հեկտար հողատարածք: Արտոնյալ ագրովարկի շրջանակներում տրվել է 799324000 լարիի, ընդհանուր առմամբ 27713 վարկ, բացվել է 105 նոր արտադրություն, վերազինվել է՝ 580-ը: Գյուղատնտեսության ֆինանսավորված արտադրություններում ստեղծվել է ավելի քան 10 հազար նոր աշխատատեղ:

Վրաստանի վարչապետ Իրակլի Ղարիբաշվիլին, Սամցխե-Ջավախեթի տարածաշրջանում «Հզոր տարածաշրջաններ, հզոր Վրաստան» նոր նախագծի շնորհանդեսի շրջանակներում, Ասպինձա ավանում ներքին գործերի նախարար Վախթանգ Գոմելաուրու հետ մասնակցեց տարածաշրջանի հատուկ հանձնարարությունների գծով երկրամասային վարչության բացման արարողությանը:

ՄԱՍՆԳԽԵ-ՋԱՎԱԽԵԹԻ ԿԱՐԱԾԱՇՐՋԱՆԻ ՈՒՍՈՒՆՆԱՍԻՐՈՒԹՅՈՒՆԻ ԳԵՄԱՆՈՒՄ

«Սանցխե-Ջավախեթի տարածաշրջանի ուսումնասիրությունից հետո, առանձնացվեցին երեք հիմնական ուղղություններ: Դրանք են գյուղատնտեսությունը, արդյունաբերությունը եւ զբոսաշրջությունը: Այդ երեք ուղղությունների զարգացումը կապահովի տարածաշրջանի առաջընթացը: Երկրամասում առկա են փոքր եւ միջին գործարարության զարգացման լավ հնարավորություններ: Հիանալի հեռանկարներ կան անտառանյութի վերամշակման, կահույքի արտադրության եւ բնական ռեսուրսների յուրացման ուղղությամբ: Որպես օրինակ կարելի է բերել Ախալցխեի մահուդե արտադրությունը, Ախալդաբայի կահույքի ֆաբրիկան, Նինոծմինդայի կարի ֆաբրիկան եւ այլ հաստատություններ, որոնց վերականգնումը եւ գործարկումը կնպաստի տարածաշրջանի աշխուժացմանը եւ եկամտաբեր կլինի գործարարության համար: Բոլոր ներդրողներին, ովքեր կհետաքրքրվեն այդ արտադրություններով, անձամբ եւ աջակցություն են խոստանում», - Ախալցխեում կայացած հանդիպմանը հայտարարեց վարչապետ Իրակլի Ղարիբաշվիլին: Իր խոսքում, կառավարության ղեկավարը ուշադրություն բեւեռեց տարածաշրջանի բացառիկ պատմամշակութային ժառանգության եւ առանձնակի աշխարհագրական դիրքի վրա, ինչը զբոսաշրջության զարգացման նշանակալի գործոնն է: Իրակլի Ղարիբաշվիլին համոզվածություն հայտնեց, որ նոր նախագծի հաջող իրականացումը կաշխուժացնի տարածաշրջանը, կնպաստի նոր աշխատատեղերի ստեղծմանը եւ տեղի բնակչության բարեկեցության բարձրացմանը:

ՍԱՆԳԽԵ-ՋԱՎԱԽԵԹԻ ԿԱՐԱԾԱՇՐՋԱՆԻ ՈՒՍՈՒՆՆԱՍԻՐՈՒԹՅԱՆ ԴԵՊԱՐՏԱՄԵՆՏԻ ԴԱՏԱՎԱՐՈՒԹՅԱՆ ԴԵՊԱՐՏԱՄԵՆՏ

Վրաստանի կառավարությունը 2012 թվականից մինչ օրս Սանցխե-Ջավախեթի տարածաշրջանում նշանակալից մի շարք նախագծեր է իրականացրել: Մասնավորապես, տարածաշրջանում հաշվետու ժամանակահատվածում ավարտվել է 600 ենթակառուցային նախագծի իրականացումը: Այդ նախագծերի շնորհիվ ավարտվել են 93 ճանապարհի, 14 կամուրջի, ջրամատակարարման 142 օբյեկտի եւ ոռոգման համակարգի 35 օբյեկտի, կոյուղու չորս օբյեկտի եւ այլ նշանակության 157 օբյեկտի վերանորոգումները: 2015 թվականի համար ծրագրված է շուրջ 726 ենթակառուցային նախագծի իրականացում: Գյուղատնտեսության ոլորտում տարածաշրջանում բացվել է հինգ նոր արտադրություն, 33 հաստատություններում ավարտվել է վերազինումը, աշխատանքի է տեղավորվել 345 մարդ:

Տարածաշրջանի մունիցիպալիտետներում գործում են 94 գյուղատնտեսական կոոպերատիվներ: Երկրամասում գործում է գյուղատնտեսական մեխանիզացիայի սերվիս-կենտրոն՝ 70 միավոր գյուղատնտեսական տեխնիկայով: Տարածաշրջանում գործում են նաեւ անասունների հիվանդության ախտորոշման եւ կանխման լաբորատորիա, Վաչիանիի գիտահետազոտական կենտրոնը, պարենամթերքի ազգային գործակալության տարածաշրջանային կենտրոնը: 2013-2014թթ. տեղի ֆերմերներին հանձնվել է 526 գյուղատնտեսական քարտ:

Ինչ վերաբերում է կրթության ոլորտին, ապա հաշվետու ժամանակահատվածում վերանորոգվել է 60 հանրային դպրոց եւ Սամցխե-Ջավախեթիի պետական համալսարանի ուսանողական հանրակացարանը: Բնական գազով ապահովվել են տարածաշրջանի 40 հանրային դպրոցները: Բուդաշենում կառուցվել է նոր դպրոց: Վերանորոգման աշխատանքներն ավարտվել են Երկրամասի 22 մանկապարտեզներում: Ներկայումս ընթացքի մեջ է 30 դպրոցի վերանորոգումը, շարունակվում է Արալ գյուղում նոր դպրոցի շինարարությունը: Երկրամասի տասնյակ դպրոցներում ընթացքի մեջ է բժշկական կաբինետների հանդերձավորման գործընթացը:

Երկրամասում նշանակալից փոփոխություններ են իրականացվել առողջապահության առումով: 2014 թվականին Սամցխե-Ջավախեթիին է փոխանցվել շտապ օգնության 14 նոր մեքենա, շահագործման է հանձնվել 6 նոր ամբուլատորիա: Երկրամասի մասշտաբով՝ համընդհանուր առողջապահության ապահովագրության պոլիս է տրվել 101304 մարդու: Ավելացվել է գյուղական 82 բժշկի եւ 141 բուժքրոջ աշխատավարձը: Երկրամասի մասշտաբով 3307 ընտանիքի սոցիալական օգնությունն ավելացվել է: Ճգնաժամային վիճակում գտնվող ընտանիքի երեխաներին նախատեսված օգնության ծրագրի շրջանակներում, Սամցխե-Ջավախեթիի տարածաշրջանում նման օգնություն է փոխանցվել 92 ընտանիքների:

Էներգետիկայի ոլորտում Երկրամասի մասշտաբով անհատական էլեկտրահաշվիչներ է տեղադրվել 9897 աբոնենտի, բնական գազ է հասցվել 3520 աբոնենտի: Երկրամասում կառուցվող էլեկտրակայանների շինարարությունում աշխատանքով ապահովվել է ավելի քան հազար մարդ, որի 60 տոկոսը տեղացիներ են:

Վրաստանի արդարադատության նախարարության աջակցությամբ, Նինոծմինդայի մունիցիպալիտետի Փոկա գյուղում բացվել է հասարակական կենտրոն, բնակչությանը մատուցվում է ավելի քան 200 ծառայության տեսակ: 2016 թվականի համար նախարարությունը ծրագրում է Ախալքալաքիում բացել արդարադատության տուն: Վրաստանի վարչապետի նախաձեռնությամբ, տարածաշրջանում իրականացվել է մշակութային 29 տան վերանորոգումը, համապատասխան գույք հանձնվել նկարչական դպրոցներին, երաժշտական դպրոցներին, կինոցուցադրումների համար համապատասխան սարքավորումներ տրվել Ախալքալաքիին եւ Նինոծմինդային: Վարչապետի նախաձեռնությամբ, մշակվել է Երկրամասում զբոսաշրջության զարգացման 2015-2017 թվականների գործողության ծրագիրը, որի համաձայն այդ ոլորտում ներդրվելու է շուրջ 30 միլիոն դոլար:

Տարածաշրջանում նշանակալից քայլեր են իրականացվել Երկրամասի տնտեսական զարգացման ուղղությամբ: Ընթացքի մեջ է Կարս-Ախալքալաքի երկաթուղում մայրուղու շինարարությունը, Ախալքալաքի-Կարծախի հատվածում արդեն իրականացվել է փորձնական գնացքաշարի առաքումը եւ այլ նախագծեր: «Կրկին անգամ կոչ են անում ներգրավվել կառավարության կողմից ներկայացված նոր նախագծին, ավանդ ներդրեք տարածաշրջանի հզորացման գործում, ինչը մեր պետության հզորության նախապայմանն է: Ես հավատում եմ ձեր հայրենասիրությանը, ձեր հնարավորություններին եւ վստահ եմ, որ

կներկայացնեք բազում նախաձեռնություններ, որոնք կիրականացվեն տարածաշրջանում: Մենք առավելագույնս կաջակցենք ձեզ՝ լինի դա գույքի խորհրդանշական գնով փոխանցում, ճանապարհ, ջուր, լուսավորություն կամ՝ այլ ենթակառուցային օբյեկտ: Ձեզ կներկայացվի առավելագույն օժանդակություն, պետության կողմից համաֆինանսավորում ինչպես կենտրոնական, այնպես էլ տեղական մակարդակով: Մենք ունենք տարածաշրջաններում իրական փոփոխություններ սկսելու բացառիկ հնարավորություն: Եթե մենք տարածաշրջանները չգարգացնենք միայն քաղաքների զարգացմամբ, իրատեսական արդյունքի չենք հասնի», - հայտարարեց Վրաստանի վարչապետը՝ դիմելով գործարարներին:

«Գլխավոր ուշադրությունը պետք է ուղղված լինի Վրաստանի տարածաշրջանների զարգացմանը, քանի որ ես եւ կառավարության անդամները համակարծիք ենք, որ առանց ուժեղ տարածաշրջանների, հնարավոր չէ Վրաստանի գոյությունը: Հենց դրանից ելնելով՝ մենք նախաձեռնեցինք «Ուժեղ տարածաշրջան, ուժեղ Վրաստան» նախագիծը: Մեզ համար դա կլինի գլխավոր շարժիչ ուժը: Դա հետաքրքրական կլինի յուրաքանչյուր գործարարին: Եվ այժմ, երբ մենք սկսում ենք այս նախագիծը, կարծում ենք, որ այն եւս մեկ հետաքրքիր քայլ է, որը պետք է իրական օգուտ բերի», - ընդգծեց Իրակլի Ղարիբաշվիլին: